


Núm. 89

Tomo 8.º

nóis





BOLETÍN MENSUAL
da
CULTURA GALEGA

Direitor Literario
Vicente Risco

Direitor Artístico
Alfonso R. Castelao

Administrador
ANXEL CASAL

DIRECCIÓN E REDACCIÓN:

Sto. Domingo, 47—OURENSE

ADEMINISTRACIÓN:

Hortas, 20 — SANTIAGO

ABONAMENTO

NOTA

Doce números, na Península 6'00 pesetas.

Fora da Península 8'00 "

Número solto 0'70 "

*Este boletín non publicará mais orixinais qu'os
que foran directamente solicitados pol-a Dirección.
Tampouco se fai solidario das ideas n-eles emi-
tidos, a non ser dos que por non iren rubrados,
enténdense que son da Redacción.*

Os pagos son adiantados e os gastos de xiro de conta dos suscritores

SUMARIO

O Escordeonista, POR F. BOUZA BREV.
Jorge Borrow no Val da Mahía, POR MAGARIÑOS NEGREIRA.
O Abade Mouríño, POR MANOEL GARCIA PAZ.
Da Alemaña, POR VICENTE RISCO (proseguimento)
Arquivo Filolóxico i-etnográfico de Galiza.
Os homes, os feitos, as verbas, POL-A REDACCIÓN

IMPRESA "NÓS"

Facturas - Estados - Libros - Revistas
e toda crás de traballos tipográficos

Trasmitanos os seus encárgos

Hortas, 20

SANTIAGO

Vicente Risco

Abogado

Santo Domingo, 47-2º

Ourense



BOLETIN MENSUAL DA CULTURA GALEGA

Ano XIII



Ourense 15 de Maio do 1931



Núm. 89

O E S C O R D E O N I S T A

*O escoredonista de Romay
bule a roldar o seu amor.
Non leva panos de Cambray
nin fitas de Rocamador.*

*O mar de millos en sazón
tremola en ondas o pasar
antre abaloiros do luar
a follalata do escoredon;*

*i-en tanto o lonxe ven e vai
a lene esperanza de un farol,
o escoredonista de Romay
desperta os azos do seu fol.*

*Nos fusos virxes dos pendóns
brincan as notas a tecer
fíos de longas vibracións
ensarillados de axoubers;*

*conta abrouxado o reiseñor
seu matinar o milleiral,
pro o escoredonista boureador
fusila as queixas no pinal;*

*o sapo chifra... ¡probe de ill!
se lle esnafrou na imensidá
a sua frauta pastoril
mollada de sehardá!*

*frores de peito do xestal
como elas soñan co escolar
abrindo ollos de cristal
para voltalos a choer!*

*e a estrela nena que escoitou
como ela berra pol-a nai...!
O escoredonista de Romay
toda a campia deloiron!*

*Música en monllos que alí saía!
Freixa de notas en balbor!
Antergos panos de Cambray
e fitas de Rocamador!!!*

BOUZA-BREY

1931



JORGE BORROW NO VAL DA MAHÍA

Unha mañán de vrau do ano 1837. No camiño de Padrón, car-a Escravitude. Un viaxeiro a cabalo d'unha besta moura, sigue os pasos miudos e lixeiros d'un alquilador. Ás veces, o animal rompe a trotar, pero o cabaleiro tiralle pol-as rendas e faino ir amodo. As suas olladas empápanse na ver-dosa frondosidade da paisaxe matinal. Máis alá da Escravitude, vira á esquerda, por unha corredeira pedruguenta e desigual, chea de silvas que saen dos valos e se prenden nas críns da besta.

É outo, fraco, de faciana oval e cor oli-váceo; ten o nariz encorvado, os ollos par-dos, moi eispresivos, e a boca ben dibuxada; a cabeleira abrancazada, c-un encanecimen-to xuvenil.

N-aquél intre, vai maxinando que Deus Noso Señor, dende que se revelou o home, serviuse sempre, pra cumprir as mais gran-des obras, de medios cativos e insuficientes en aparencia. Viña a conto tal refreición, porque sendo a misión do viaxeiro difundir a Biblia, dos cinco mil exemplares da edi-ción que tirara en Madrid, xa repartira ca-tro mil novecentos noventa e nove, e pr'as xentes de Fisterra á onde se dirixía n-aquél seu viaxe, non levaba n-o peto mais que un soio exemplar.

A paisaxe e a parola do alquilador, fi-xéronlle levadeira a camiñata. N-a falda d-un monte, atoparon unha aldea tan pinto-resca, que o cabaleiro interesouse por ela.

Chámanlle—díxolle o guía—Os Anxeles, porque a sua eirexa fixérona os anxeles fai xa moito tempo; debaixo d-ela puxeron unha barra de ouro traguída do ceo, que servira de viga na mesma casa de Deus. Vai por baixo da terra dende aquí, hastr-a Catedral de Santiago.

O cabaleiro seguía atentamente a conver-sa, sin deixar de ollar a longura do val. O alquilador falou tamén d-uns baños,—os do Tremo—que alí había, moi concurridos, por certo, dos santiagueses.

Unha cadea de montes, corria cara o nor-te, en dirección de Compostela. N-unha das cumes, erguíanse as torres almeadas do cas-telo de Altamira. As aldeas esfumadas na brétema, parecían agachadas nas frondas de albres froitales. Os pinales, abalando mainamente, arumaban o ar de cheiro resi-nento. Parou o viaxeiro pra esculcar mellor a paisaxe, e arrebolou a mirada de un á outro confín do val. Un bó anaco estivo que-do, aspirando fortemente aquél arumado frescor mañanceiro. De súpeto, saíu coma d-un sono, picoulle á besta, e alá se foi ca-miño adiante.

* * *

Aquél viaxeiro, era Jorge Borrow, un in-glés quixotesco que andaba por terras de España difundindo a Biblia. Nacera en East Dereham o 5 de Santiago de 1803. Como o pai era militar, recorreu xa de neno cáxeque toda Inglaterra. Comenzou a estudar huma-nidades en Dereham, continuou en Edim-burgo, dimpois en Norwich, e n-o ano 1815 n-a «Academia Protestante» de Clonmel (Ir-landa), onde estaba destiñado o reximento de seu pai. Con estraordinaria facilidade deprendía lingoas á cuio estudio entregouse con entusiasmo. En 1818 atopou un amigo, Ambrosio Smith, xitano a quen dimpois re-presentou nos seus escritos c-o nome de Jasper Petulengro, e foise co-él ó seu cam-pamento, recorrendo n-a compañía d-aquela xente, feiras e mercados, pra coñecer as suas costumes e deprender o seu falar.

Mais tarde, Borrow fíxose abogado e colocouse de pasante en casa d-uns curiales de Norwich, mais a sua afición ás leises era escasa. Gorentáballe mais a lectura de libros de viaxes e aventuras, e traducir ó inglés obras escritas en lingoas que él coñecía. En 1824, chegaba á Londres c-un bo feixe de traducións. Pasou calamidades abondo n-aquela gran cidade, onde maxinaba trunfar axiña. Nos seus primeiros tempos foi ateo, pero mais tarde, dimpois de complexo proceso psicolóxico, fíxose protestante fanático e aceptou as proposicións da «Sociedade Bíblica Británica i-Estranxeira» de utilizar o coñecimento de idiomas pr-a difusión da Biblia. En efecto, fixo moitos viaxes co-aquél obxectivo. Pero o mais trascendental e interesante, foi o de Hespaña, que deixou inmortalizado na sua obra «The Bible in Spain».

Con ser grande a fantasía de Jorge Borrow, non por eso se deixou dominar por

ela hastra falsear a realidade. As páxinas do seu Diario, foinas escribindo á cotío, e do Diario e de cartas dirixidas á Sociedade Bíblica, tomou os materiais pra sua obra. Sabe retratar a vida de entón coas pinceladas máis certeiras, aventaxando en criticismo a cantos literatos e viaxeiros escribiron en col da España de fai un século. Labregos, arrieiros, pousadeiros, xitanos, curas de aldea, alguaciles, mandingantes, pastores, pasan ante nós, e ó velos xesticular i-escoitar como falan, maxinamos atoparnos con vellos coñecidos, escribe M. Azaña.

Tratando de Galicia, non pode fuxir dos prexuícios e descríbea como un país misterioso e descoñecido, perdido na lonxanía entre brétemas, e asolagado de supersticións e meiguerías. Mais non-os estrañamos. De entón acá pasou d-un século e moitos escritores, non xa estranxeiros senón hespañoles, siguen maxinando o mesmo.

MAGARIÑOS NEGREIRA.





O ABADE MOURIÑO

NOVELA

POR MANOEL GARCÍA PAZ.

NA REUTORAL DE TORTEOS

Na orella do Miño prendeu o concello de Neveiro. Alén-río érguese como unha pomba a vila portuguesa de Montão. A liña crovada de unha carreteira trascorre o val, cheo de piñeiras mansos. As suas poulas frechadas voan cara ó ceo n-un vóo infindo, a cotío abaladas polo maino vento ribeirán.

Antre a farturenta compañía do río e da calzada nova atópase unha aldeíña de casas brancas: Torteos, a un kilómetro de Neveiro. Por unha congostra báixase á reutoral. Un cruceiro e unha forja amostan o camiño. A batida do ferro ja soa talmente como un sino rideiro.

A reutoral, obra do século XVII, é unha mistura do renacemento e da antiga arquitetura dos petrucios galegos. Da sua frábica primitiva somente fican ergueitas as outas torres e o portón. O resto da casa son remendos rebulideiros.

Cando petei n-aquela porta acolléume o sorriso do abade Mouriño. Niste intre o meu amigo tería trinta anos vividos na gracia do Señor. A cabeleira, toda branquiña, cáhalle na faciana como unha croa de santi-dá. As meixelas, moito grosas, dábanlle ar de angüño. Os seus grandes ollos moles ollaban nas almas con moita mansedume.

Os pais do curiña alenáronse moito coa miña chegada. Pola contra, a señora ama víame de reollo. E cando se decatou de que o crego me gardaba a meirande estimanza, cizanou en namisarme co il. Aijíña com-

prendín o que pasaba alí: O abade Mouriño adicáballe ós seus un cariño puramente cristián. Pra il todos éramos igoaes diante de Deus: Por iso trabucaba ós propios e ós alleos n-un mesmo amore. Os probes dos vellos non lían tan fondo na moral e coidaban que aquela besta da serventa lles roubaba o agarimo do fillo con tantíños traballos estudado. Ista foi a causa de tan boa acolli-da: Ollaban en min un novo elemento na batida contra a meiga.

Andreia, a ama do cura, aínda que pequeneira, non era unha muller calquera: Contados homes nas catro bandas podíanse gabar de uns bigotiños tan ben feitos como os de ela. O seu corpo, unha bomba. Enriba da bomba, unha bola mais pequena. Un pano cheo de voltas penduráballe encol dos hom-breiros, tapándolle as meixelas. Dous ollos pelejeiros ajijando dende unha silveira de crís bravas. Abaixo, unha naris de moucho. Un anaquiño mais abaixo, uns morros de boy. Eis o telderete da faciana de Andreia.

Un domingo pola mañá a criada me non espertou pra que non chegase á misa. A ladra ben sabía que o que non asistía ó Santo Sagrefizo o señor abade ja o daba por chamuscadiño nas caldeiras do Voteiro. As derradeiras bateladas acordei, vestínme de un brinco e chanteime á beira da pila da auga bendita. Ela estaba ó pé do altare, reloucando de contento pola miña demora. Ó través da silveira de crís bravas escandilábanlle os ollos cheos de trunfo. ¡De aquela si que eu estaba perdido! O sangue ja lle

fervia nas veas por berregarlle ó crego, alijña como sahira da eireja:

—¡Ay, señore abadel! ¿Vosté non sabe que o Rafael lle non quixo vir á misa apesares de chamalo cedo?

—Pois dille da miña parte que se arrange pra ouvir a de Don Antón.

Pouquiño dimpois atordoaban uns berros arripiantes. A condergada da Andreia escorrentaba ó vento aldraxándose pra que todo o pobo se botara enriba de mín.

—¡Santa Mariña bendita!, chamaba unha estoa limpándose o pingo coa mán. ¡Eu, aínda que son unha probe vella, cando vín a ise señoritiño ja lle dixen ás miñas fillas que non podía sere bó! Sinón, ¿qué tiña de vir buscare a unha aldeia cativa? ¡Malos diaños o esfolen!...

Alijña o noso pazo estaba arrodeado pola gente do lugar. Eu repousaba no eido contemplando com'a toura depinicaba na herba. O sol, ja outo, alumeaba con forza. As núbiles brétemas, ¡probes noivas tolas!, fugían medoñentas de esnaquizárense á bica da apeijoadada do fecundante astro. De aló, dos lonjanos montoutos, un meigallo estrano deitaba nos corazóns inquedante saudade.

A MORTE DO VIDUEIRA

Na percuranza de fortuna o Vidueira migrara ó Novo Mundo. Coñecía as Reprúbicas do Prata e mais o Brasil. Longe da terra, o coitado morriase de cote. ¡Mesmo parecía que Deus se esquencia de ill! Dimpois, foise afaguendo. ¡Cantos traballiños aturaba pra juntar catro cartos e voltar alijña ó seu lar, ó carón da súa muller e dos seus filliños! Pro, eso sí; se non levaba cadelas de abondo pra o ensino dos rapaces, logo endejamais tornaría á súa terra. E cando todo camiñaba tan ben, o pobe do home púxose malado e os menciñeiros aconselláronlle mudar de ares. Entón o Vidueira embarcou pra España.

A doenza do american acababa co-ill. A espiñela crováraselle de lanzaliza que era. O bafo mancáballe ó andare un pouquiño. Non podía subir unha congostira. Cuspía mais que un pote furado. E alá, dentriño do peito, asubiáballo a cotío un run-run de vento mareiro.

Nos seus solitarios paseños detíase á carreira do can, alentando con traballo. E ollando cara a lonxanía, remegía a cabeza, coma se fora parrafeando. ¡Quén lle dira, cavilaba o triste, aínda que soilo fora por unha vegada, poder tripar cos seus pés o pó de aquiles rueiriños tan queridos, nos que jogara cando nenol! Por iste pasadeiro gosto, ¿qué non sería capaz de faguer?... Logo unhas pingotas grosas remuíñaban nos seus ollos, tumbándolle coa brillantez de pérolas polas meixelas: ¡il, o Vidueira, ja non tiña folgos pra rénl!...

O Vidueira adoeceia ademais de outro mal: unha genreira fera ós cregos. A il que lle non viñesen con monsergas. O home civilizado ten de vivire cara o Progreso, como vivía il e os países americás. Alí a gente traballaba; pro como non gobernaba a teocracia, todo o mundo ganaba, salfería e disfrutaba da vida. Nas juntanzas dos socialistas tamén escoitara de abondo o mesmo argumento: A España estaba probe polos curas. ¿Non vía il como na América se non atopaba unha sotana; pro ollábanse carreiras, granjas, trés, escolas e fonógrafos, moitos fonógrafos? ¿Úla unha cousa como o demo de aquila maquina que apesares de sere de ferro cantaba tan ben, que daba genio ouvila? É certo, cavilou o Vidueira. ¡Os cregos son a causa do atraso da España! Por isto ó falare con aquiles malpocados aldeás pechaba así as suas conversas.

—¿Entendédello ben? Namentras lle non chamusquedes o lombo ós cregos, viviredes no atraso e na ignoranza. Nas Américas, amigazo, en ningures sintín os corvos, nen ninguén me veu co conto ise do inferno. ¡O inferno, hom, si que cho ten eiquí o labrego esfameado que non gaña pra mercar broa aceda! E regañando os dentes de ouro, cos cotovelos ameazaba a namigos invisibles.

Pro istas parolas duráronlle pouco. Arreo o malado atallaba mais e mais os seus paseños. Faguía uns días que se non erguía do leito. Os seus polo día coidaban a facenda. Pola noite, derrengados, deitábanse. O Vidueira hachábase só, sen outra compañía qu'a do fillo pitís.

—Ne... no, díjolle un día o pai con vós moito xorda, ó...lla na por...ta quen me ven cha...mar.

—Papá, lle non hay ninguén.

Calou. Os ollos fíanselle apagando, como o sol á derradeira do mare.

—Ne...no, voltou demandare, ó...lla quen me ven cha...mar.

E aínda ben non fora aberta a porta, velleira, cando Videira regañou os dentes e alongou un brazo ameazador.

—Un ja...ru...to ha...bán, salayou derradeirairamente, voltándose cara a fiestra.

E ja non falou mais.

Cando chegou a nai, o pitís contoulle, todo. Aquela noite a infelís muller afogábase no leito. Antre sonos vía sentado ós pés da cama do seu home un señore de traje mouro, ollada frienta, naris de aigue e barba de castrón. Ver endejamais o vira; pro tiñao ben coñecido. A Jesusa queríase presinire; mais unha forza moito grande lle amarraba as más e lle esmagaba ó corazón.

—¡Arrenegado seja o demo!, chamou o acordare meia sonenta. Unha soma pareculle fugir pola fiestra. E sen poderse conter, aínda que era noite pechada, foi buscar ó abade Mourinho.

Os pouquiños, os fachos do Viadego chegabán á pouxa do Videira.

Miúdos dimpois, o american espernejaba.

Cando os acompañantes deixaron a casa mortueira avenciábase o instante do solsahir. A lúa baixaba por tras os petoutos. A sua lús argentina, misturada co verdor dos agros, compoñía un coor de tons esvaídos que espertaban no corazón non sei qué malenconía. Enriba das fragas vianse as fources fementas do lobo e ouvíanse ouvidos tristesiros.

O ENTERRO

Ó enterro do Videira víñeron todos os cregos da comarca.

Levaron o cadaleito en procesión co cadavre de corpo presente. A sua faciana adeviñábase nunha enxoiada masa amarela.

Á derradeira os cregos, destemprados, berraban:

—*¡Qui Lazarum resucitasti a monumento fétidum!...*

Atordában tanto que se o morto non rexurdía de aquila, era que estaba ben morto.

E os herdeiros, e os amigos, e os que espeitaban algo, enchíanlles de cadelas as faltriqueiras, pregándolles mais responsos.

Os cregos pingáballes todo o corpo; pro hachábanse satisfeitos coa obriga de misericordia e coa marcha do nagozo. Un cura vello, de ollos redondos, abría o bico dende unha orella á outra. E namentras que con unha man agarimaba á cabeleira ós cachos roxa e ós cachos moura, coa outra levaba o compás... dos cartos juntados.

Logo jantaron co abade Mourinho.

A CUCHIPANDA

Un jantar na casa de un crego é algo fantástico. Nunha fonte, coma unha artesa, tiraron meio porco. Os pouquiños o coitado do porco ficou moito ben enterradiño naquiles vandullos venerabres. A mesma sorte agardou a dous carneiros. E ista foi tamén a sorte de catro dúcias de galiñas, coma de seis panelas de peixe.

Polas arteiras viñalles vindo a caldeiradas tan arreo pescozo enriba un flugido quente e roseiro, que estoupaban os probes cregos, ensangándose selles todía a faciana.

O viño, rapaz novo e mal criado, correntaba nos pelejos vivos do Señore, chamando á berros polo cango e o bagazo, seus irmaos. Do seu bico saía un alento fumeiro, carregado de ácidos etéreos. Os cregos esboirábanse aturdidos. Marcados. Desfeitos... Es... ca... chá... ban... se: A espíñela derrámase polo ombrigo. E o peito, cas costas crebadas, derrúmbase con estrondo enriba da mesa. Os brazos abálanse ó vento, coma ponlas fendidas no albre. A cabeza, yugoadá pola gorja, dormita sanguenta a carón das táboas. Na sua longa agonía muge con ronquidos tan doidos que, abrandadas as pedras, treman as paredes...

O abade Mourinho está roxo e esmagado coma un tomate. A doméstica trabao cos ollos acesos e remeje os beizos, como se falara coa sua mesmísima ánema.

—Os aldeás, rachou D. Loureán, o abade de Artemes, teñen mulleres é gozana; pro a nós envejannos que comemos millor.

—E que nós escollemos a millor parte, dijo un curiña novo.

—Boscade o raiñado de Deus, berrou outro, e o demais seravos doado por engadidura.

—A nós sálvanos a Fé, chamou outro.

Dimpois aquela divira un desconcerto de voses roncás.

VERBAS DO TOLO

O abade Mourinho coidou chegado o momento de impor orde, e sen saber por qué, virándose cara un saminarista fraco e de moita palor, díxolle:

—Fálanos tí encol da Fé.

O rapaz enrugando o fronte combado parolou de iste jeito n-aquil concillo rural.

—San Goar envidaba a jantar co il os probes de Deus. Os seus cofrades acusárono ó Pai santo de corruptor das boas costumes da vida ermitá. Entón as sandalias de Goar tiveron de bicar os croyos das calzadas de Roma. A primeira mañá da súa chegada á Urbe foi ofrecerlle ó Señore o Santo Sagrefizo da Misa. Pro, ¡ay!, non sabía onde pór os seus hábitos, cando lle brincou unha idea: «Non fixera Deus tudo, ousutamente tudo, pra o servizo do Home? Logo aquila rayoliña de sol que se adentraba pola vidreira tiña de servir ó servo de Deus». E pendurou o hábito na rayola, e o hábito ficou alí moito ben pendurado. ¿Qué man invisíbre o sostíña? Non podía sere outra que a mesma forza anímeca que sahía do singelo Goar e se apricaba á rayola.

—¿Non estás desvotando o orde sobrenatural?, demandou un prégador de moita sona.

—Nas relixiós positivas o sobrenatural é unha baixada: O ponte sobrenatural descende de Deus deica o Home. Pola contra, segundo os místecos contemporás, como o indio Krishnamurti, ou o danés Kizkegaar, é unha rubida: O orde ascende dende o Home até Deus. ¡Asín o Home diviñízase polo seu propio pulo cara enriba!

—Se o Home se liga con Deus por un auto de amore ceibe, n-isas relixiós nen eisistirá pecado, nen...

—A verba *pecado*, atallou o rapaz nervo-

so, por vergofienta temos de queimala. ¿Vos non lembra as diciós latinas *pecus*, *pecunia*? O home primitivo coidaba provir de un devanceiro animal. Ó ire nacontra do *totem* ou *pecus* chamouse pecado.

—Se non hay pecado, ¿onde vas meter o demo, condenado?, estouparon rindo os cregos.

—O demo é unha supervivenza do tránsito do Politeísmo ó Manoteísmo.

—Logo, ¿a qué ven ó caso a Redenzón?

—A Redenzón púdose faguere A. M. D. G. Pro se Deus enche o mundo coa súa presenza e se a súa Voúntade Omnipotente atraí ó corazón humán cara Il, ¿qué máis nos falla pra qué polo noso propio pé poidamos choutar ó espazo que nos arreda de Deus? ¡Ay! A Eireja samente quer uniformidá, masa caótica, non sentimento cósmico. Por iso os mesmos santos enviados polo Señore pra encamiñala foran probados, engaiolados e algúns até queimados por ela.

—Ises non son erros da Eireja, senón dos homes, rosmaron os cregos alcuñando ó rapaz.

O saminarista, comesto da frebe, prosiguiu:

—Agora a Eireja chégalle o agosto: Os seus froitos penduran maduros no Albre da Vida, atendendo á mán do benzoado Recoilador: Recorridas ja no noso vóo ó redor do Outísimo as seis costelaciós. Jesucristiá, Pauliña, Aigue Hiponense, Tomísteca Seráfica, e Iñiga, aijiña chegaremos á lumiosa pléyade do Esprito, profetizado polo Floris, pechándose a elipsis de iste Místico Número Sete. Entón Señore, serán chegados os tempos nos que o home nas áas ligeirísimas do amore ruba a Tí e pule, pule na Tua lus arreo mais e mais carapucheriña até que, debullándose en miúda choiva de estreliñas moito fremosas, a homidá seja zugada de un turro polo Teu diviñizante abafol...

A PENTENZA DO ABADE MOURIÑO

O abade Mourinho hachábase moito atristurado. Dende que na cuchipanda co gallo do enterro do Vidueira alcuñara ó saminarista parvo, o sono non víñera arromalo no

seu colo e o espello da sua fronte serea ja se lujara cas trebas do remorso. Aquila noite rezou meia dúzia de rosarios, bateu todo o seu corpiño con unha corda deica convirtilo n-un horto de fridas roseiras e debrouzouse longo tempo diante do seu amigo San Johan. ¡Derritidas co lume do door, as trebas do remorso volvíanse auguiña fervente que cai maina polas meixelas de anjo, nou tro tempo cheas e grosas, mais agora moito afondadas e murchadas!

Os pouquiños ficaba dormido.

A Andreia tamén non acougaba. A coitada ardia n-unha peijón dos diaños. Pola serán unha ollada perdida do abade atopárase coa sua. Iso abondou pra desencadear aquila revolta dos sensos: Unha quentura abafante rubeulle dende os pés deica os miolos. Os seos erguéronselle como brazos maternas chamando polo fillo. Todo o seu corpo ondejava envolteito en lume e tremor acérado.

E votándose do coucho, coa indifrenza de un tolo fugeu á alcoba do abade: Un bico fogueiro queimoulle os beizos ó casto Pai, sen que il acordase. E co bico ja meleiro, liscouse a escondere coma unha ladra no seu coarto.

Entón o abade soñou co demo. Deus premetíralle a iste persoaje que con ferro ardente lle comburise o corazón e os beizos por cavilar mal nacontra do prójimo. Na sua concenza rugía a vos do Supremo Juez: «Mouriño, Mouriño, o teu pecado é moito grave e tés de faguer por il unha comprida penenza. ¿Quén és tí pra malzoar a miña obra? ¡Eu, Eu fijen a yalma do home da miña propia yalma! ¡O seu corpo, fijen Eu con anaquiños de ceo collidos por istas miñas más!» O coro dos arcanjos eisultaba nas zampoñas: «¡Gloria ó Bó Deus, e loubanza ó Home, image de Deus!»

Pola fiestra achegada colouse un ariño fresqueiro. O fogo dos beizos íaselle apagando: O abade sinteu a rentes de il a Purísima Virge na compañía de San Johan. — Filliño, díjolle unha vos tenrísima coma salayo de fror, os teus pecados che son perdoados. Ama e lembrade de Mín.

Fora choraba o vento e crevaban os lóstregos. N-iste intre unha doce armoña arro-

deou o leite do abade Mouriño. As voses somellaban desfaguérense paseniño, paseniño n-un canto moito brando. E cando o cento deprencipiouse a alonjar, o sacerdote viuse banado n-un ronsel de lús feiticeira e sinteu o bater de áas das almiñas boas que rubían sumergirse no abismo do amore de Deus...

O CREGO DE ARTEMES

Era o santo tempo do preceuto pascoal. Ás almas, como roupas emporcalladas, compría limpalas e poñelas crarejar ó sol. ¡Momentos benzoados istes nos que o home se avergoña da sua cativeza, fai propostos de pular cara enriba e enche o esprito con arelas de perfeución! Se o home algo ten dino é ise istante no que se rebaija deica o pó do chán. O corpo, atraguido pola lama da terra, deixa fugir o esprito ás moradas cestiaes da Diviñidá! ¡Ó descendere, fecundado polo amore do Onipotente, germola en caraveliños de soavisimo recendo!

Aquil ano a colleita do Señore amostrábase abondosa. Eran tantos os froitos e tan poucos os jornaleiros, que Don Loureán, o cura de Artemes, chamou a moitos dos seus correligionarios, entre iles o abade Mouriño. Con nosco ia tamén D. Alepo Mon, abogado de moita sona.

Don Loureán era un crego parrandeiro. Os seus ollos castaños estaban a cotío banados en auga: mesmo parecía que o demo do crego andaba derretido. A cabeleira, enmarañada, deixaba sahir por fora do pequeno chapeu uns riciños trunfantes que brincaban ó vento tolos de contento. A sotana cuáseque lle chegaba ós joenllos. Don Loureán, sobretudo, tiña unha cousa que ben podía ser miragreira: ¡Na presenza das mulleres ladeábaselle o canal automáticamente! Entón ríase moito, ensinando a dentamia de lobo famento. E votándose a beilar berregaba nervoso: —¡Mecachis, hom; a carreira de cura é unha carreira coma outra calquera!

Un día que jogaba o Celta en Vigo, Don Loureán jantou n-unha tasca, onde se esgarrechaba viño do bó. Uns señores canteiros federados na Casa do Pobo, falaban da eisprotazón e do asovallamento, ollándoo bul-

reiramente. Ó crego sentoulle tan mal esta falla de respeito, que lle brincaron gañas carragentas de acabar con tuda aquela caste.

—Lle non faga caso á gente baixa, dixo-lle un sangristán. O liberalismo pasoulle de moda. Olle, senón, o panorama da polítega internazonal ou os libros novos: En todo o mundo frorece a ortodoxia en obras admirables.

E por primeira vegada na súa vida o xornaleiro do Señore entrou n-unha librería a mercar libros.

¡Cóma se refocilaba coa literatura de estilete picudo e sensibilidade encoirada! ¡As entranas remegánselle, como se lle aturrasen polos untos. ¿Pois, non? Enalbrando o seu estilete picudo aqueles varudos Sigfridos, arelantes de loita, achéganse ó móstruo do Liberalismo, sen amedonárense co estrondo das súas razóns eslumadoras. De un brinco fúranlle o vandullo, escórrenlle o sangue e logo esfólano. Ó escabezalo sorteu tanta auguiña abafante e griseira dos seus miolos, que o Sol afogouse. Os cabalos da Furia levaron a enterrar o seu cadavre amordajado cas trebas no campo da Noite. Á derradeira choraba a Luz e salayaban as Ideas. Ás súas exequias acudiron os cativos asovallados polo móstruo. Ceibes de todo esforzo e de todo traballo, ja podían berregar tumbándose: ¡Viva o retrocesol...

Don Loureán pregáballes tan a eido ós seus cofrades encol das novas masvelas apologeticas, que a humilde e queda vida dos cregos da aldea rebullen ó longo de algúns días ca lumiosa corrente eféutrica da leutura, pro, esmendrellados polo esforzo, aijíña lle votaron ó tarabelo á pouxa do seu isolamento espritoal.

O PALIQUE

Don Loureán pujou cos seus cofrades: O seu xantar deveu ser dino de calquer Garantúa.

—¡Ay, Don Alepiñol, falou o anfitrión virándose cara o abogado. Rén se ten escrito tan bó, como a «Historia de Cristo», de Papini. ¿Ollou vosté con que pulo bate ós herejes? A min góstanme os homes que ós burros tratan de burros, e ós cás, a pedradas.

—Pois, ¿qué vos direi do noso sabido bispo Don Mendo Candéal?, engadeu o abade de San Ciprián. Lede esta páxina do «Boletín» que de cote levo ó carón do meu peito: «A íse gran parvo de Romanones samente occurríselle pode o pensamento de chamar «matrimonio civil» a un aporcallado concubinato.

Logo interveu un crego chosco:

—Vostedes cofecerán un libro dino do votafumeiro; «Ortodoxia», por Chesterton. Iste sabio, apesares de falare inglés, non ten pelos na língua: «Os heterodoxos hay que metelos en Conjo».

O CASOIRO DE CAMACHO

De alí a uns días un mozo falangueiro na compañía de unha belida rapaza petaba no portón de Tosteos. O abade Mourifio pechou o breviario e baixou saúdalos.

—¡Hola, Camachol, díjolle ó mozo. ¿Qué milagre vos os dous por eiquí?

—Nengún, señore abade. Todo o mundo sabe que eu vivo con esta muller á que juntan dous fillos. É o caso que pola Páscoa o señore abade de Neveiro no nos quixo benzoar a casa. Entón levamos unha vergoña moito grande na vila.

—¿E porqué vos non casades, rapaces?

—Ja llo pedimos ó noso abade, contestou a moza, e dixonos que pra casarnos tiñamos de aboarlle seis pesos de licenza e non sei cantos cartos máis por outras trégo-las. Nós respondémoslle que vosté nos casaría por menos, aínda que il dixera que nón.

O abade ficaba caviloso.

—¿E certo, señore abade, que vosté non quere casarnos?, demandáronlle os dous a unha.

—Mirai, rapaciños, contestou o cura con emozón fonda. Mañán eu teño de casarvos de balde. ¿Entendédelo ben? ¡De balde! E enriba aínda vos darei unha enchenta. Somentemente vos prego unha cousa. Que cando voltedes pola mañanciña, traigades con vosco a todas as vosas amizades e a todos os cas e gatos que atopedes polo camiño...

A reitoral fervía en preparativos. Mesmamente somellaba que outro novo dilloivo ameazaba á homidá: Tantos eran os ani-

maes que se recollían n-aquila arca de Noé.

A Andreia aínda votara máis morros. Os pais do curiña pecháronse aparvados no seu coarto.

—O noso Manolo, deprenciou a muller, estache tolo.

E polos regueiros da faciana escorríalle auga salgada, coma de tormenta mareira.

—¿Que lle temos de faguer, miña santa? Il é o dono e ningún lle pode dicir rên.

E virando as costas, o probe do vello tirou o pano do borso. Os seus ollos tamén estaban inchados polos embates do temporal.

O outro día pola mañá, diríxíase cara Torteos unha rebulideira moitidine. Os nenos cas suas gorjeiras branquiñas brincaban na devangarda. Logo víñan os noivos cos cuñados e amigos. A retagarda seguían modíño todos os vellos de Neveiro.

Polo esperto ourizante despreguizábase o sol jurdio e rideiro dos días de festa. Un bafío lígeiríño erguíase da terra e espallábase polo ceo, formando nubíñas de lá moi fina. Enbaixo o Miño acarrejaba pelouros. Como ja vai vello detense a tomar folgos diante dos penedos, séntase enriba de iles, peina a sua longa barba branquiña, e brincando, marmuja coa sua voz cantareira de arrieiro:

¡Ista sí que che vai boal

¡Ista sí que boa vai!...

Fora, á porta do templo, dous albres alci-preses agionllados e cos brazos ergueitos

bicaban o ár e pregábanlle ó Señore cas suas ondejantes línguas de vibrátil folla:

—Paiciño, doite de nós! Non temos outra mantenza que a parva do orballo; e antre horas, algún toriño de vento, ou algunha regoja de brétema pasadeira. ¡Vótanos unha manchea de auguiña zelmosa, fresqueira e san!

E dentro do templo, a carón do altar soaba a vos doce do abade Mouríño:

—O Señore, hirmanciños, podrá ir faguedo pouco a pouco todas as cousiñas, do mesmo jeito que as fijo no deprencio. Mais Il, na sua Bondá, loubando, dègou iste poder creador no home refeito perfeucioado polo matrimonio. Se, pois, polo amore vos asomellades a Deus, ¡querervos con amore moito fondo! ¡Querervos coma a noite quer á lúa! ¡Querervos, coma o eido quèr á augal! ¡Querervos coma a volaya quer á froil!...

Logo, decomezou o banquete. Na súa vibraban en armoñoso acorde o cristaiño son orquestral do tilín das copas e o metálico timbre das argentiñas voces rideiras. Primeiro, sagrefizáronse as vitelas, idolatradas no Egipto. Siguiron os carneiros, amañados con mariñas. Dimpóis dos polos, imoulouse o místico Peije, representado no salmón do Miño.

O abade, Mouríño sorría, sorría. Os seus grandes ollos moles rayolaban unha luz que faguía brilar de contento aquelas cariñas singelas, unidas todas n-unha mesma aperta sentimental: ¡Éndejamáis unha estrela des-enfeijara rayolas tan soaves!...

O sol baixaba confiado a deitarse no seu tálamo. ¡E cando estaba chegando, a lúa, o pendello da sua muller: ja fugira da casa!



D A A L E M A Ñ A

POR VICENTE RISCO

III. BERLÍN

(Proseguimento)

A certa hora da mañá, virá Fran Tornegg, ou unha asistente faguel-a limpeza en poucos minutos. Á noite, voltará Fran Tornegg erguel-o asento do sofá, sacar do fondo os estreitos edredós, as sábenas e a almofada de pruma, e encaixar unha cabeceira e uns pés de ferro barnizados de negro, e de camiño, baixará a lámpada de riba da vitrina, e deixaraia enchufada. S'eu estou, dará as noites... E o resto do tempo, baterá somentes o reló, namentras eu durmo, ou me visto, ou almorzo, ou escribo sentado n-unha butaca, na mesíña pequena posta diante d'unha das fenestras.

Pódes'un reconcentrar coma queira, pode un esquecer todo, pode un non ver a rúa nen sentir os poucos autos que pasan por ela, pódes'un isolar do mundo n-unha soedade guateada e embutida en paredes e mobles calados. Está ben.

A esta cámara chégase dend'o pequeno vestíbulo, onde dan tres portas d'outras estanzas, por un pasillo estreitiño e escuro que logo fai sete e vai rematar na cocíña, logo de pasar por diante d'outras portas misteriosas, e pol-a do baño. Na cocíña, que funciona con gas, traballa Fran Tornegg, recortando moreas d'anuncios dos jornais que prepara non sei pra qué, e ajuntando francos do correio. Ben é certo que Fran Tornegg case nunca está na casa. Case todol-os serán vai ao Zoo, onde asegún ela, hai *eine Kapelle wunderbar*. Pra ir, pon un vestido estampado transparente, de grandes froles en fondo negro, e unha gran Pamela negra c'unha gran frol de trapo. Na

mesma casa vive unha tía d'ela e duas sobriñas, unha d'elas, unha *morenasa*, coma din os hespañois. Se cadra, véñena precurar, ou berran pol-as fenestras do páteo.

—Magdal Magdal

Ás veces, Magda já marchou.

Fran Tornegg ten unha outa ideia da sua raza. Falando do antisemitismo, díxome unha vez que todos somos homes, e que todol-os homes deben ser iguás, calquera que seña a sua fé; máis ao mesmo tempo espricoume que o odio aos judeus era por enveja, porque os judeus teñen máis talento qu'os outros.

Semella pouco istruída, e dende logo, da Hespaña non ten nen a máis pequena ideia. En troques, debe ser creente, e admirou moito e meteulle respeto o ver que eu tiña un Crucifixo pendurado riba da mesa de traballo e un rosario e un Kempis na mesa de noite. Outro día, referíndome que me non lembro en que bisbarra se perderan as colleitas, díxome qu'os homes eran moi ruís, e que Deus tiñaos que castigar por forza.

Non embargante, traballa nos sábados coma se tal cousa e os domingos vai ver unha irmá tola que ten n-un manicomio. Marcha moi cedo, e deixa os cafés na cocíña, abrigada a cafetera c'un caperucho acolchado.

Fran Tornegg ten alugadas total-as habitacións, de maneira qu'ela debe dormir atrás d'unha das portas misteriosas do pasillo, n-un cuchitril calquera. Como hai moito que vive na casa, e paga un alquiler d'enantes

da guerra, sácalle renda á casa. Ningún judeu se perde. Logo algo que teña, se ten, o que lle dean os anuncios que recorta ás mañás na cocina, pode que tamén os francos do correo, pra ela soila, débese gobernar.

Na cámara pegada do comedor ond'eu durmo, entrando no piso a primeira porta a mau dereita, vin unha muller moi fermosa, qu'os sábados á noite recibe un amante. Unha mañá entrou no meu comedor avisar que me chamaban ao teléfono. Viña do baño, en albornoz, co cabelo rizado botado atrás e atado c'unha fita, e c'un pito que viña fumando na man dereita. O tipo era judeu, moi fino e elegante. Non'a volvíu ver. Despois mudouse.

Frente por fronte, entrando no piso á man esquerda, vivía Herr Rosenthal, a quen me presentaron unha noite diante da casa. Era un rapaz judeu, outo, forte e guapo, moi moreno. Cecaís era o que viña petar na porta e marchaba rosmendo cando m'eu demoraba no baño. Tampouco o volvíu ver máis qu'outro día que lle fun dar un recado que trouxeran pra el.

Outro hóspede debía haber na cámara qu'eu fun ocupar o primeiro do mes de San Johan. Nono vin endejamais, coma tampouco ao que veu ocupar a da rapaza fermosa.

A miña nova cámara era grande e tiña dúas portas: unha daba ao vestíbulo e a outra ao pasillo. A fenestra, de medio corpo, daba ao pátio interior, e tiña un radiador debaixo, e dúas vidreiras, aunque sen persiana.

O pátio aquí tiña dous árbores e uns macizos d'herba. Había n-il unha garita na que de cando en cando entraba un home qu'abría a porta con chave, estaba dentro un pedazo, e volvíu a saír. Entraban méndigos de pedir pol-as portas; entraba todal-as mañás un home c'un aristón que tocaba tocatas de moda; entraba tamén outro que ceibaba un longo pregón musical do qu'eu somentes comprendía a verba *papier*; entraban señoras e homes. D'unha fenestra outa viñan as notas d'un piano.

Outras veces viña alguén e berraba ollando pr'as fenestras d'enriba: —*Allo!* e d'enriba surtían responderlle. O ceo cadraba aló

enriba, moi longe, e pra ver pasal-os aeroplanos, había que botar-o corpo fora.

A cámara tiña unha grande alfombra escura. Unha mesa grande de comedor no meio, estilo dito inglés, c'un tapete verde negruzco moi vello qu'a tapaba toda e caía pol-os lados e no meio un pano branco. Sobre d'ela, unha lámpada de pantalla de seda sostida con cordós, pendurada do teito estucado.

As paredes empapeladas d'escuro, chegando preto da escocia d'estuco, e as portas pintadas de branco brillante. Había, coma digo, dúas portas. A do vestíbulo facía chafán no ángulo de dúas paredes. Na da dereita, o leito de ferro coa cabeceira ergueita, gran cadrante, edredón delgadísimo de tea bermella, alfombrín, e mesa de noite sen orinal, onde Fran Tornegg puña o meu calzado. A mesa de noite con táboa de mármore coberta c'un tapetiño branco con encaixe, tiña enriba unha pequena lámpada d'enchufe con pantalla de seda bermella.

Na parede onde daba a cabeceira da cama e a mesa de noite, había tamén un moble, sorte d'*entredós* onde puña a roupa branca. Seguía a porta que daba ao pasillo.

Na outra parede, por fronte á do leito, había de dereita a esquerda, un lavabo antigo, pechado, con caixós e mesa de mármore e un estantiño tamén de mármore e espello. Enriba había unha gran barreira e un jerro de porcelán branca con deseño azul estilo modernista. A toalla pendurada á dereita d'un torno de metal por meio d'unha presilla de fita cosida. Despois a mesa de traballo, moi vella, con caixós e alacenas debaixo, e taboleiro coberto de úl deslucida.

Eu fun quen puxo alí a mesa e puxen enriba uns estantes pra os libros, pra d'iste xeito ter unha mesa coma teñen os cregos da aldeia na nosa terra. Nos estantes puxen os poucos libros que trouxen, e logo os jornais e libros que fun mercando; mais tamén puña alí, ás veces, cousas de comer e de vestir, ou de limpar a roupa. A pequena lámpada d'enchufe da mesa de noite, podía-se tragar á de traballo, ond'había outro enchufe. E ben cumpría, pois a estancia era escura, e ás seis do serán já había qu'alcen-

del-a luz, pois ficaba todo n-un lusco-fusco tristeiro e gris que pesaba riba do curazón.

Viña logo o esquinal, ca fenestra en chaflán, de dúas vidreiras, sen persiana, con cortinas de correr e store de baixar. Debai-xo d'esta fenestra había un radiador e de-diante puxeron o meu baúl. Eu sentábame moitas veces a ler n-aquíl baúl, debaixo da fenestra, com'un emigrante, no serán tris-teiro. Ás veces solprendíame o Fernández Armesto, que petaba caladiñamente nos vidros.

Na outra parede había primeiro un alma-rio d'espello onde gardaba a roupa. O eter-no e vulgar armario d'espello que dá a volta ao mundo, heraldo da banalidade moderna. Armario de cuarto d'hotel, de casa artesán ou burguesa que repite pra pouco, luxo aínda na aldeia, cursilería por todos lados. Despois unha *chaise-longue* coberta c'un pano antigo d'oito puntas, já moi vello, e c'un almohadón enriba. Era ond'eu deita-ba a saudade, n-aquíl asentadoiro tan cómo-do e mol como ridículo e evocador de cousas feías. Mais soñando ou facendo ensame de conciencia, esquecese todo, ata ond'un está.

E voltamos estar na porta por ond'en-tramos.

Había ademais tres cadriños pendurados da parede. Un, nos pés da cama, era unha paisaxe torpemente feita, atal qu'o torpe-mente feita qu'estaba era o úneco intrínseco que tiña. Outro, riba da mesa de noite, era unha sorte d'augarela ou cromo repersentando unha escea d'amores: dúas testas, unha de muller e outra d'home beixándose; os dous boniteiros e repunantes, co-ise tipo de beleza vulgar e estúpida dos artistas de cine. Já me non lembro do outro cadro. Somentes sei qu'aturei por tres meses esta pinacoteca, en forza de non ollar pra íles.

As horas qu'eu alí pasei, debullando o Maunhardt, os volumes de *F. F. Communi-*

cations, o *Leabhar Gabhala*, un libro estúpi-do de Horacio Mann, etc., n-un silencio ab-soluto, no que ata semella que s'oien pasar pantasmas pol-o pasillo, nos serán de chu-via e de trono, escuros e calados, non son pra ditos.

O pasillo alfombrado e coma guateado d'esta casa é escuro coma boca de lobo. Por il hai qu'andar atoupiñando, e no esquinal do sete, no cóbado que fai, n-a-quíl recanto, o máis escuro, o máis sumido na tréboa, on-de s'acochan todol-os ratos, todal-as chin-ches, todal-as cascudas e todal-as pantas-mas, lurpias e maus espíritos da casa, alí está escondido o teléfono, que de cando en cando, apelida por un co seu timbre a un tempo firente e apagadiño, co seu misterio-so asubio de serpe. Eu collínlle terror ao teléfono, porque co-il si que me meto n-un mundo estrano onde non podo agardar com-prender nen ser comprendido por ninguén. Nen sei o que me din, nen podo dicir cousa a dereitas. E logo aquíl currunchito, aquíl fonda do mundo habitado ond'o ten Fran Tornegg, é espantoso. Benia a que gracias a il non pode haber na casa cascudas, chin-ches nen ratos, porque todos teñen qu'ir dar alí.

Fica a *Toilette*, impace onde vai unha ca-lor de bafo de besta, alumeado por unha fenestra outa que abre e pecha por meio d'un pau de ferro, posta aló no cabo d'unha barrela, ond'hai trastos vellos. Hai unha ba-rreliña con grifo, *water* e un bon baño con auga quente e fría e aparello de duchas. Alí dentro, hai que ter a luz eléctrica acesa.

Horas fecundas e horas grises da miña vi-da fican pechadas pra sempre na casa escu-ra de Fran Tornegg, Waitzstrasse 3, Berlín, Charlottenburg. Qué é o qu'ali agardan esas horas?

(Continuaráse)

Xa apareceu

O DERRADEIRO AMORE

Novela, por Aurelio Ribalta

Arquivo Filolóxico e Etnográfico de Galiza

RESPOSTAS A UN CUESTIONARIO

RESUME XENERAL DE FOLK-LORE DE SANDIÁS

POR URBANO SANTANA

O propoñerme faguer un resume xeneral de costumes (Folklore) do pobo en que m'alcontro ei d'advertir qu'e un traballo d'investigación que dada sua dificultade e relativa importancia, debiera estar encomendado a persoa máis capacitada científicamente pra sair ben do fregado; pero, se non ha de ser unha cousa dina d'aprauso e menos de publicación, cando menos téñas'en conta a boa intención con que o fago anque solo sexa por contribuir e cooperar, nos poucos alcances que sexa posible, a unha labours necesaria e útil por moitos conceptos.

Por outra parte, téñas'en conta que, o faguelo no linguaxe do país, éste é tal e como se fala eiquí, pois tamén así reflexará o mesmo tempo un elemento do folk-lore.

Non se me culpe ademais por'as faltas d'escritura, pois dad'a pouca práctica d'escribir o galego, xa que non se pode salir da casa sin ir armados do castelán pra zampalo en calquera esquina, hayas d'haber boas.

A TERRA, A XENTE, A HISTORIA, LITERATURA POPULAR, ETC...

O pobo está sitiado (na carretera de Villacastín a Vigo) a unha légoa tirada despóis de Xinzo, indo pr'Ourense; está a caída, como se for'amurallado por'o NW. d'unha montaña ou mellor dito, un sistema complicado de montes interrompidos por fondadas, pero o chan do pobo é case llano como señalando a prouximidad'Antela.

Según se vai por'a carretera pra Xinzo antes d'andar un Km. a man dereita hay un pequeno pobo da parróquia asentado n'un monte pequeno (monte de Coalloso) chamado Coalloso. Seguíndo enderredor do pobo

a caída do monte do Coalloso xa no sitio llano vai a carretera a Celanova, partindo da outra desd'a veira mesma do pobo, n'esta carretera está o pobo de Couso que anque forma parróquia aparte é diste Ayuntamiento, está formado de barriadas con nomes distintos (a Manuela, o Tellado, o Pereiro, a Lamedeira, etc...); a un lado soparado do pobo hay un casarío (o Telleiro), é pazo, de D. Eduardo de Cea Naharro (q. e. p. d.) ten o lado unha capilla e non está o pé mesmo da carretera.

O comunal que hay a un lado e outro da carretera esta, «de Couso» chámanlle «as Santas», y'a continuación seguíndo a dirección indicada ver «o Pegal», «o Rigueirodalen», «Valadoblanco», ésto subindo xa o «monte de Picos, no fondo d'iste, baixando por'o naciente hay unha fonte, «fonte do Mouro» (de que xa falarei); a continuación métese unha depresión pequena, e ven o «Monte d'as Areas» e o do «San Benito», onde está a capilla d'iste Santo (San Benito d'Ouceira), por debaixo esténdese unha fondada «os Vales», «os Muños»; por esta fondada corre a auga con forza e alí hay varios muños en ruina e dous qu'inda moen cando lle cheg'auga; despóis levántase o «monte d'Ouceira», ond'está situado un pobo composto de duas ou tres casas e leva o mesmo nome do monte; a continuación métes'o «monte da Raña» e «o do Castro», e así imos xa chegando outra vez a carretera pero por'o N. do pobo.

(A seguir no número próximo).

Obra nova de A. COTARELO VALLEDOR

BEIRAMAR

OS HOMES, OS FEITOS, AS VERBAS

LIBROS DE ARQUEOLOXÍA PORTUGUESA

VIANA, Abel.—*Estações paleolíticas do Alto-Minho*. Porto, 1930. Separata do vol. III de «Portugale».

ISTE estudo que encerra en cincuenta e unha páxinas interesantes novas de arqueoloxía miñota, preséntase con magnífico porte e valiosas ilustracións. O autor, ilustre arqueólogo, explica o seu autodidacticismo na ciencia arqueolóxica na que tanta fortuna o acompañou. En efecto iste volume ten importancia extraordinaria pra a prehistoria galega que forma ca provincia do Minho unha rexión no cuadro distes estudos.

Dende o ano 1924 en que os P. P. da Cruz e Luisier poñen ó descuberto a estación de Camposancos, na nosa terra, descrita polo Dr. Fontes—e salvo a cuarcita que iste investigador topou antes en Portucelo (Viana)—teñen lugar as descubertas de instrumentos de tipo paleolítico en este país do Noroeste Peninsular: P. Saraiva de Miranda, Serpa Pinto, Afonso do Paço... aumentan as aportacións. Agora gracias ós estudos de tan distintos prehistoriadores a rexión miñota ocupará un lugar preeminente no estudo das industrias líticas antigas que quedaban apenas reducidas ós achádegos dos arredores de Lisboa.

Proceden os instrumentos descriptos por Abel Viana de Lanheles, Vilar de Mouros, Gondarém, Seijas, San Miguel de Fontoura, Pêso, Argela, Moledo, Cerveira Areosa e Vilarelho, que forneceron exemplares típicos do *chelense acheulense* e *musteriense*.

Canta sexa a louvanza que de tan fermosa monografía fagamos, será pouca pola probidade científica con que están descriptas as pezas e pol as ilustracións que ó estudo acompaña. Felicitamos sinceramente ó autor.

Pol-a nosa conta laiarémonos de que en estos lugares, ó parecer tan ricos en xacementos paleolíticos non se fagan escavacións metódicas, porque sin estatigrafía non pode determinarse craramente a época do instrumental por moita que sexa a perspicacia tipolóxica do investigador, pois é preciso non perder de vista que, si ben na cen-

cia prehistórica xa se ven claros os perfíles xerales, estes serán revisados á luz de futuros achádegos e surxirán as variedades locais e as subdivisións por cada época dentro da xeografía. A isa labouira soilo se pode axudar simultaneando o estudo dos estratos xeolóxicos co do material lítico asoellado. Iste é o mais intresante punto do pretendido paleolítico galego-miñoto.

Por elo as dúbidas que suscitou o xacemento de Camposancos a que alude Abel Viana seguen en pé. Pra nós existe un feito incontrovertibel: o de que en Camposancos apareceron instrumentos de factura paleolítica en compañía de instrumentos de factura francamente asturiense. Logo, en secuencia, non pode elevarse ó paleolítico a estación, senón que é necesario baixala á industria epipaleolítica mentada, espricándose a mistura de tipos por supervivencia dos de feición paleolítica.—F. B. B.

JALHAY, Eugenio.—*O tesoiro de Álamo (Moura, Alemtejo)*.—Sep. da rev. «Broteria» Vol. XII, Lisboa, 1931.

BAIXO do modesto subtítulo de «Contribuição preliminar para o seu estudo» danos o por tantos conceptos ilustre investigador portugués unha nova chea de interese: o achádegno no lugar do enunciado de un tesouro composto de cinco pezas distintas, tres de elas colares e duas brazaletes, de ouro todo o conxunto.

Con erudición característica no autor pon cada peza en comparanza con xoias portuguesas—Penela e Portel—bretonas e suecas e o seu decorado suxírelle intresantes paralelos. A figura antropomorfa de corpo triangular que aparece grabada no fecho de un collar laminiforme é de todo ponto curiosa. Seu estudo e os dos demais caracteres de cada unha das pezas de tan rico escondrixo lévano a datar as xoias—«n-un período pre-romano não mais arcaico que o de Hallstatt», iuda que algunhas de elas puideran baixarse a período mais recente, como o da romanización.

Láminas e dibuxos ilustran a preciosa monografía. F. B. B.

Imprenta NÓS, Hortas 20. Santiago

Apareceu o volume I da "Biblioteca Murguía"

DE ESTO Y DE LO OTRO

por Roberto Blanco Torres.

Pedidos a NÓS - Hortas, 20 - SANTIAGO

FOTOGRAFADO

Si quer qu-os seus fotografados sexan o mais perfecto posibles, convenlle envialos aos

Talleres de fotografado ESPASA-CALPE S. A.

Ríos Rosas, 24-Apartado, 547 MADRID

Droguería e Farmacia

LUIS FÁBREGA

Progreso, esquina a Luís Espada

OURENSE

MERQUE VOSTEDE

Plumeiros **RAFIUM**

De mais dura qu'os de pruma e limpan
millor. Véndese en todol-os estableci-
mentos do ramo

Andrés Perille - OURENSE

O movimento demóstrase andando . . .

O galeguismo lêndo as publicazóns **NÓS**

Sanatorio Quirúrgico de San Lorenzo

SANTIAGO DE GALICIA

DE LOS PROFESORES

D. Fernando Alsina y D. Antonio M. de la Riva

CIRUJANO

GINECÓLOGO

Establecemento dotado de todol-os elementos que exixen
a terapéutica e a hixiene modernas, situado nas aforas
da poboazón, moi cerca do paseo da Ferradura

Teléfono número 195

Pra detalles, calquera dos Directores ou o Médico interno



A hixiene dos nenos

é a garantía da súa saúde física e moral o día de mañá.

No diario aseo dos nenos emplee o **"Jabón Sales de la Toja"**, único que ás súas altas calidades meiciñás xunta toda a finura e perfume d'un xabón de tocador.

Contribúe ó perfecto desenvolvemento das criaturas e evita o perigo da escrófula e o raquitismo.



**JABÓN
LA TOJA**
UNICO EN EL MUNDO

O Xabrón da Toxa
é o mellor.
Honra á Galicia no
mundo enteiro



AGUAS DE
MONDARIZ
 FUENTES DE GÁNDARAY Y TRONCOSO
 Propiedad de los Sres. Hijos de Peñador

Véndese en todas
 Boticas, Droguerías,
 Hotels,
 Depósitos d'augas
 minerás,
 Restaurants e
 vagós-camas de
 todol-os três.

Estas augas, de sona universal son
 o remedio enxebre e eficazísimo
 cand'un quer combater o Artritismo,
 a Diabetis, Desnutrizón, Obesidades
 diversas, doenzas do Aparello diges-
 tivo, Anemia e Neurastenia

Riquisma auga de mesa
 ——— gaseada naturalmente ———

Mondaríz-Balneario, áchase á 35 Km. de Vigo